

Unda e Mortonan Ta? (Parti 2)

Basá riba kapitulo 6 di e buki *Kiko Beibel Ta Siña Realmente?* Bo por download e buki aki for di jw.org/pap.

META: Analisá bo kreensianan i e motibunan pakiko bo ta kere den nan, analisá loke Beibel ta siña i wak kon bo por splika bo kreensianan na otro hende.



DIOS KE PA HENDE MURI?

1 ANALISÁ BO KREANSIANAN

Dikon algun hende ta bisa sí?

Dikon algun hende ta bisa nò?

Kiko *abo* ta pensa?

Dikon bo ta pensa asina?

2 ANALISÁ LOKE BEIBEL TA SIÑA

Dios no a traha hende pa muri.

(Wak kapitulo 6 di e buki *Beibel Ta Siña*, paragraf 9-14.)

Lesá Génesis 2:16, 17.

Segun e teksto akí, kiko tabata e úniko motibu ku por a pone Adam muri?

Si Adam a obedesé e Dios, e lo ta na bida awe?



Meskos ku un bon dòkter ta avisá su pashèntnan tokante kos ku lo por hasi nan daño, asina Yehova a avisá Adam ku Eva tokante e konsekuensianan di nan mal kondukta

Nos Kreador amoroso ke pa su sirbidónan biba.

(Wak kapitulo 6 di e buki *Beibel Ta Siña*, paragraf 15-20.)

Lesá 1 Huan 4:8.

Kiko ta e kualidat prinsipal di Yehova?

Lesá Echonan 24:15; Revelashon 4:11.

Kiko e tekstonan akí ta bisa tokante Yehova?

Unabes nos sa dikon nos ta muri, kon esei tin efekto riba e manera ku nos ta mira Yehova Dios?

3

SPLIKA OTRO HENDE BO KREENSIANAN

SI UN HENDE BISA ...

Dios a pone nos na mundu pa tèst nos promé ku nos bai shelu.

BO POR BISA ...

Kisas hopi hende ta pensa meskos, pero ami no ta kere esei pasobra ...

Ki teksto bo por lesa pa e persona?

Ku e persona su punto di bista na mente, kon lo bo usa e teksto ei pa rasoná kuné?

SI UN HENDE BISA ...

Tur hende ta muri; morto ta algu normal den e siklo di bida.

BO POR BISA ...

Ta bèrdat ku awor akí tur hende ta muri. Pero ami no ta kere ku morto tabata parti di Dios su boluntad pa humanidat pasobra ...

Ki teksto bo por lesa pa e persona?

Ku e persona su punto di bista na mente, kon lo bo usa e teksto akí pa rasoná kuné?
